

開放文學－英雄傳奇－大唐秦王詞話
第一回 李公子晉陽興義兵 唐國公關中受隋禪

詞： 花開禁苑春光早，萬紫千紅鬥新巧。

偷香粉蝶豔叢飛，釀蜜黃蜂芳徑繞。
鞦韆蹴罷玉釵橫，倦倚銀屏午睡清。
芳草夢成誰喚醒，綠楊枝上一聲鶯。
紫薇正放紅葵吐，金屋珠簾燕燕舞。
綠荷池內戲鴛鴦，白玉欄前語鸚鵡。
繡窗倦倚鬢雲斜，幾陣熏風透碧紗。
上苑日長無個事，笑將金剪刀榴花。
梧桐葉落秋風剪，寶鴨香清門晝掩。
石盆池養錦鱗魚，點氈毳臥金鈴犬。
香飄庭院桂開時，起向妝台畫翠眉。
為愛仙花簪綠鬢，下階輕折月中枝。
長空四野彤雲堵，碎剪瓊瑤風亂舞。
陰凝玉箸傍簷垂，陽轉寒梅迎臘吐。
香騰寶鴨瑞煙斜，繡幙珠簾戶半遮。
坐向圍爐看侍女，敲冰旋煮鳳凰茶。
晴窗煮茗談經史，靜夜挑燈閱簡編。
要識古今興廢事，分明都在話中傳。

義兵嚴整起並州，四海煙塵一旦休。
唐為寬仁興帝業，隋因政亂失金甌。
龍姿日表山先定，天與人歸豈妄謀。
創業洪基三百載，相承安享太平秋。
天地原從太極分，始生盤古立人倫。
有巢構屋民安業，鑽火烹炮號燧人。
伏羲畫卦通玄妙，始制文書代結繩。
聖德神農嘗百草，耕耘五穀濟饑貧。
軒轅濟濟衣冠盛，陸地行車舟渡津。
三皇始治蠻夷順，五帝登基雨露均。
堯舜禹湯民快樂，夏商桀紂起刀兵。
后稷太王修聖德，文王渭水遇賢臣。
武王代紂朝歌破，一定周朝八百春。
三十六王承帝業，紛紛戰國起征塵。
虎踞鯨吞十八國，七雄戈戟總如林。
始皇一統捐仁政，三世淪亡在子嬰。
楚漢爭鋒逐秦鹿，高皇有識定乾坤。
二十四帝相傳位，漢末三分雜霸興。
六朝社稷崇虛誕，大業當隋煬帝昏。
亂政荒淫天道滅，窮奢極欲害生靈。
揚州貪看瓊花好，四十離宮接水濱。
江都縣裡身遭弑，三十餘年社稷沉。
隋官禪位唐高祖，業創長安錦繡城。

這幾句單表今古帝王相傳之統，周秦休說，漢晉不題，按史實錄，表一部唐秦王建國的故事。詞話中褒善貶惡，賢否闡揚自詞人；崇正逐邪，是非留傳於今日。隋朝革命，天降列宿臨凡：

角木蛟唐高祖神堯治世，亢金龍竇皇后同掌乾坤。
氏土駱是建成英王太子，房日兔杜如晦足智多能。
心月狐張貴妃唐王寵玉，尾火虎程制節勇冠三軍。
箕水豹殷開山初興唐室，鬥木獬名唐儉善武能文。
牛金牛王伯當金墉虎將，女土蝠長孫後賢德夫人。
虛日鼠是尹妃西宮領袖，危月燕薛萬澈駙馬皇親。
室火豬號霸王西秦薛舉，壁木名蕭銑稱帝江陵。
奎木狼三太子齊王元吉，婁金狗名李密鞏縣屯軍。
胃土雉號梁王名為李軌，昂日雞劉武周山後胡人。
畢月烏沈法興毗陵霸業，嘴火猴名朱燦楚國屯兵。
參水猿房玄齡包藏謀略，井木犴竇建德河北稱君。
鬼金羊劉黑闥漢東王號，柳土獐長孫氏無忌元勳。
星日馬劉守光燕王僭號，張月鹿高談聖混世相爭。
翼火蛇梁師都延安稱帝，轉水蚓王世充僭國西京。
天蓬星秦叔寶開疆展土，黑殺神尉遲恭絕滅煙塵。
破軍星並武曲天罡李靖，李淳風稱文曲定數如神。
祿存星是魏徵忠良善諫，天機星徐世勳精曉兵文。
左輔星褚遂良托孤宰相，右弼星為蕭瑀位列麒麟。
紫薇星小秦王神堯仲子，九州曜天降下濟世安民。
驅土馬滅煙塵一十八處，剪強染除草寇一統乾坤。

隋室顛危不可支，李淵倡義起雄師。

干戈指處烽煙息，六載功成創帝基。

大業十二年，隋煬帝荒淫失政，親信讒邪，疏棄忠直，大興宮室，取天下名花異卉，奇獸珍禽，充滿苑囿。至秋冬，以五色綾錦，剪成花葉，綴於枝條，常如陽春之豔麗。沼內亦剪彩為菱荷。每週月明之夕，從宮女數千騎，遊玩西苑，作清夜之曲，於馬上奏之。自長安至江都，置離宮四十餘所，造龍舟往來遊幸。酣歌宴樂，殆無虛日。胡曾詩云：

千里長河一旦開，亡隋波浪九天來。

錦帆未落干戈起，惆悵龍舟便不回。

煬帝奢費無窮，民貧財盡，天下倒懸，盜賊蠱起。一十八家擅改年號。

是哪十八家？

竇建德稱夏王於漳南（五鳳元年），李軌稱涼王於河西（安樂元年），梁師都稱帝於延安（永隆元年），蕭銑稱帝於江陵（鳴鳳元年），薛舉稱西楚霸王於隴西（泰興元年），李密稱魏王於鞏縣，沈法興稱上樑王於毗陵（延康元年），林士弘稱楚王於江南，李子通稱吳王於江都（明政元年），朱燦稱楚王於南陽（昌達元年），劉武周稱定陽王於馬邑（天興元年），高談聖稱湘王，劉守光稱燕王，郭子和稱永平王起榆林，王項拔稱漫天王於恒定，王世充據河南後稱王（開明元年），張大安稱靖江王，字文化及稱帝於揚州。

其餘薛萬澈、杜伏威、輔公拓、高開道、徐元朗、孟海公等，共六十四處刀兵，各占郡邑。天下鼎沸，民遭塗炭，各處表章，雪片相似，申奏煬帝。大業十二年十二月，煬帝詔以唐公李淵為太原留守，以王威、高君雅為副留守，關右十三郡兵馬皆從調遣，徵討各處賊寇。

話說高祖姓李名淵，字叔德，隴西成紀縣人，御眾寬簡，人多附之。祖李虎仕西魏有功，封隴西公。父李暉佐周，世封唐公、李淵襲爵，娶竇殷之女，生四子，曰建成、世民、元吉、玄霸。玄霸幼時，被隋兵所殺，後謚楚哀王。一女平陽公主，適駙馬柴紹，亦練兵萬餘，號娘子軍，此是後話。且說李世民幼時，有一相士，見而異之曰：「此子龍鳳之姿，天日之表，他日必能濟世安民。」因彩此語，為名曰世民。娶長孫晟之女為妻。年十六歲，應募隸屯衛大將軍雲定興麾下，破虜有功。世民聰明勇決，識量過人，見隋室方亂，陰有安天下之志。傾身下士，散財結客，與隋朝右勳衛長孫順德，右助待劉弘基，晉陽宮副監裴寂，字玄真，桑泉人，晉陽縣令劉文靖，字肇仁，彭城人，共為交友，圖舉大事。

劉文靖一日語世民曰：「今煬帝南巡江淮，李密圍逼東都，群盜四起。當此之際，有真主驅駕中原，取天下如反掌。今太原百姓，皆避盜入城，某為令數年，盡知豪傑，一旦收集，可得十萬人，加以尊公之兵數萬，一令之下，誰敢不從？乘虛入關，號今天下，不過半載，帝業成矣！」世民喜曰：「君言正合吾意，恐吾父不從，將如之何？」裴寂曰：「尊公之事易處，吾為君謀之。」言畢各散。一日，裴寂設宴於晉陽宮內，邀李淵入宮飲酒，私以張、尹二妃侍陪。李淵平素貪戀酒色，肆無忌憚，盡歡而散。次日早晨，李淵坐下帥府，世民盡退左右，「與父言曰：「今主上無道，百姓困窮，晉陽城外皆為戰場。大人若守小節，下有群盜，上有嚴刑，危亡無日矣！不若興義兵，順民心，轉禍為福，此天授之時也！」李淵見說，大驚曰：「汝安得為此言！」他日，裴寂又設宴於晉陽宮，邀李淵飲酒。半酣，寂從容言曰：「二郎陰養士馬，欲舉大事，正為寂以宮人侍公，恐事覺並誅，為此急計耳。眾情已協，公意如何？」淵曰：「吾兒誠有此謀？事已至此，當復奈何？正須從之。」

煬帝以淵等不能禦寇，遣使者執詣江都。淵大懼。世民與寂等復說淵曰：「今盜賊日繁，遍於天下。大人奉詔討賊，賊可盡滅乎？縱滅群賊，則功高不賞，身益危矣。惟前日之言，可以救禍。此萬全之策也。且晉陽士馬精強，宮監蓄積巨萬，代王幼沖，關中豪傑並起。今若鼓行而西，撫而有之，如探囊取物耳，奈何受單使之囚，坐取夷滅乎？」李淵乃歎曰：「吾昨夕思汝之言，亦大有理。今日破家亡軀也由汝，化家為國也由汝。」乃即命世民與劉文靖等各處募兵，遠近赴集。旬日之間，得兵數萬。

王威、高君雅見淵兵大集，疑有異志，欲圖李淵。淵使世民伏兵，立殺二人。劉文靖復勸淵以金帛相結單于王，借兵馬以益兵威，兼許和親。軍務已備，眾將復請李淵建國為君。李淵曰：「不可，今若稱帝，人言我有篡國之心。」裴寂曰：「明公既不從，且遙尊煬帝為太上皇，立代王楊侑為帝，以安隋室。明公為大將軍，居丞相府，設官分職，改換旌旗，伺朝廷動靜。」唐公從之，傳檄文以達郡縣。檄曰：唐因公舉義兵，大將傳檄，佈告天下：切以煬帝坐承殷富之基，恣逞無窮之欲，信讒邪而屠戮忠良，尚荒淫而誅鋤骨肉。矯情飾貌，肆厥奸回。開渠流水，生民萬數死無辜；築圍營宮，徵稅百端殘可忍。縱宮女每游月夜，御龍舟時幸江都。頻用武於朔方，每興師於遼左。戮者不知其罪，賞者未見其功。賦重役繁，民不堪命。天命垂鼎新之象，人心有革故之謠。今遙尊煬帝為太上皇，立代王為帝，以安隋室。庶消天譴，端合民心。拯溺救焚，舉義興師。予作倡首，誅凶討賊，同心戮力。望諸公檄文至日，主者奉行。

唐公差官校傳檄各郡。郡守高德儒，接見大怒，高聲喝罵：「李淵匹夫，焉敢造反！我與你皆是隋朝臣子，怎敢移檄徵兵！」把檄文扯得紛紛碎，喝令軍士，把來使捆打四十棍，攆出營去。高德儒一面吩咐各門添兵防守，選將募兵，以備征戰。

且說唐使不分星夜，奔回太原城，進入帥府，把高德儒毀檄話一一啟奏。唐公聽說，大惱，問劉文靖：「高德儒這賊，首撓軍情，若不徵討，何警將來！吾欲先取西河郡，如何？」劉文靖說：「明公聽見，正合吾機。」即議起兵，殺牛宰馬，祭告天地，選日出師。以世民為行軍都督，長孫順德為左翼，劉弘基為副將，殷開山為先鋒，三千人馬，往河西進發。

喧天炮響，震地鑼鳴。將軍威武賽天神，戰馬雄馳如虎豹。吳戈越乾，參差霜雪舞長空；漢幟唐旗，蕩漾雲霞輝大地。會看齊師收即墨，何殊燕將下邯鄲。

大軍行至西河郡，離城十里安營，埋鍋造飯，紮拮人馬。李世民披掛整齊：

相貌堂堂錦繡妝，威風凜凜世無雙。

開基馬上馱天子，創業鞍中坐帝王。

帶領殷開山、長孫順德二將，領一千軍，直至城下搦戰。巡城小校飛報入帥府來，高德儒升堂聚將，商議出兵。有管軍校尉，姓段，名玄信，原是西河嶺下獵戶出身，會使飛叉，有一身花繡，綽號花斑豹，有萬夫不當之勇。上前對高德儒言曰：「李淵乃反隋之臣，某願為前部，生擒來獻！」高德儒即同玄信，全妝披掛，下演武場，點三千人馬，三聲迅炮，擁出城來。兩下裡排成陣勢。世民親自出馬，喝曰：「吾父舉義兵，徵討群賊，立新君，安隋室。德儒逆賊，安敢阻撓！今天兵壓境，早獻城池，免一郡生靈之苦！」德儒高聲大喝：「我等只識隋朝。豈從逆黨謀叛！」舞劍正欲出馬，段玄信說：「將軍且住，看某生擒這賊！」一騎馬提叉飛奔出陣前。唐陣上殷開山舉蘸金斧，驟馬臨陣。世民說：「將軍少停，待我親殺這賊！」一騎馬掄定唐刀，直取玄信。玄信飛叉劈面就迎。

玄信飛叉臨面刺，世民刀舉唬人魂。

好似大鵬單展翅，猶如猛虎急翻身。

左盤右韆皆藏計，高去低迎須用心。

又刺月彎寒凜凜，刀飛玉板冷森森。

寒光凜凜江山暗，殺氣騰騰宇宙昏。

交鋒戰鬥多時節，詐敗隋朝好手人。

玄信打馬擦斜走，世民不捨緊追跟。

好似鵬鷗追紫燕，猶如鷹鷂撲鶻鶻。

望前趕了無多會，玄信施謀要損人。
眼觀世民來得近，飛又拋起望空掄。
高聲大喝言教中，只見紫霧紅光罩世民。

玄信把飛叉望世民擲將來，世民眼疾，早已瞧見，側身躲過，乘勢接住飛叉，看定玄信，喊震一聲，把叉回擲去，正中玄信面門。

半輪明月當空漾，幾縷紅霞繞地飛。

玄信墜馬而死。德儒見殺死玄信。手掄雙刀，飛馬殺出陣來。唐陣上殷開山舉蘸斧來迎。戰不數合，殷開山抖擻精神：舒過拿雲手，攔住錦征袍。

輕舒猿臂力，把德儒提過錦鞍鞵。

生擒了高德儒，餘軍盡皆投降。世民入西河城，安撫百姓，秋毫無犯。

把錢糧解赴太原，掛了安民榜，委官權守城池。下令已畢，殷開山擒高德儒獻功階下。世民叱曰：「汝指野鳥為鸞，以欺人主，吾興義兵，正為誅戮佞人！」喝令刀斧手，綁出斬首報來。其餘不戮一人。遠近聞之，盡皆悅服。世民撫安地方已畢，收拾人馬，徑回晉陽去。

功羨西河一戰成，唐朝從此定乾坤。

五龍深處飛龍現，三百年來旺氣新。

兵回晉陽城屯下。世民入見李淵，把收西河話，一一稟復。淵喜曰：「吾兒興兵討賊，往返只九日，如此用兵，可以橫行天下！」遂定入關之計。於是世民興兵徵霍縣，斬宋老生，乘勝復取隴右諸郡。遠近震駭，望風降附。馬邑郡丞，係三原人，名李靖，有文武才略，精通遁甲天文。溫城尉房玄齡，並杜如晦，俱來歸順。世民以李靖為謀主，以房、杜二人為記室參軍。豪傑從者，不可勝計。世民領兵徑進長安，據長樂宮，備法駕，迎立代王楊侑，即帝位於天興殿，年一十三歲，號隋恭帝。遙尊煬帝為太上皇，封李淵假黃鉞都督中外軍馬，進封唐王。以武德殿為丞相府，建天子旌旗，出警入蹕，分撥軍馬，把守關要。

丁丑義寧元年四月，煬帝被宇文化及弒於江都。凶聞至長安，恭帝大驚，謂眾臣曰：「今上皇宴駕，朕弱質不明。方今四海倒懸，非撥亂命世之才，難任帝業。朕聞三代擇賢德者而讓，心實羨慕。朕觀唐王之子世民，功勞浩大，四海歸心，願將天下讓他為君爾。諸大臣所見若何？」百官叩頭曰：「陛下如此之為，隋廟有奉祀之永，生民有樂土之安，天下幸甚！」恭帝即命學士蕭造草詔禪位於唐：維義寧三年五月戊午，皇帝詔曰：朕踐祚歲餘，弱齡暗質。時遭天下傾覆，國步艱危。荷祖宗在天之靈，賴李氏父子之力，爰舉義兵，扶危輔政，厥功茂哉！今仰瞻天運，隋數已終，俯察民心，唐歷預紹。是以樹神武之跡於前朝，建補浴之功於今日。德應圖讖，奚可有違。朕稽唐堯遜德，大舜傳賢，實切嘉慕。今使學士蕭造，持節奉天子璽綬，禪位於唐王之子世民。幸毋固辭，永終天祿。

蕭造齎詔，詣唐王府開讀。世民曰：「上有父兄，豈敢背倫失序？還該父親登基。」蕭造覆命。恭帝禪位與李淵。五月戊午。百官備法駕，到唐王府迎接。尚衣監捧進冠冕，頭戴平天冠，身穿赭黃袍，腰繫藍田帶，手執白玉圭，足跣無憂履，把唐王接進金鑾寶殿，登萬歲台坐下。金殿兩旁，站著鴻臚大使；階下文武，朝賀新君即位。揚塵舞蹈，萬歲山呼。正是：黃金殿上龍伏虎，白玉階前臣拜君。

怎見得設朝？

山河扶繡戶，日月近雕樑。蓬萊宮瑞氣氤氳，鴛鴦殿祥光繚繞。黃金爐內，游絲裊裊噴龍涎；白玉階前，仙樂鏗鏗鳴鳳管。紅雲影裡，執金瓜武士爭擥；紫霧叢中，擎寶扇宮娥嫋娜。岩廊深處鳴鞭響，劍戟光中珮玉聲。

改元武德元年，神堯皇帝即位。立正宮寶皇后，張妃居翠華宮，尹妃居西宮。高祖有兄弟四人，李神通封淮安王，李孝恭封趙元王，李孝紀封趙郡王，李神符封襄邑王。有兩個御姪，李通玄封淮陰王，李道宗封任城王。高祖曰：「時平立長，世亂定功，合立世民為東宮。」世民曰：「長幼有序，國家立長，古今不易之理。有兄在上，世民豈敢！還讓兄長立東宮。」高祖大喜，立建成東宮守闕，封英王。世民上馬管軍，下馬管民，封西府秦王、天下統兵大元帥。元吉封齊王。李靖封調兵軍師，袁天罡封左台官，李淳風封右台官，劉文靖封民部尚書，裴寂封工部侍郎，殷開山等俱封總管。其餘在朝文武，俱加升賞。外任官員，賜爵一級。改郡為州，改太守為刺史。封隋恭帝為希國公，賜第長安居。百官一齊叩頭謝恩。高祖傳旨：「朕新即位，著三司備禮儀，祭享天地，賜宴文武。」哪三司？光祿司、御廚司、教坊司。光祿進酒，御廚進膳，教坊進樂。

簫韶未罷品鸞笙，一國帝王排喜宴。

皇王殿上排筵宴，慶賞三台八位臣。

珍珠簾下千奇獻，白玉階前七寶陳。

筵中貴果般般有，席上佳餚色色新。

鵝頂金瓶澄琥珀，梨花玉盞泛瓊瑤。

三杯竹葉流霞碧，兩朵桃花臉上春。

二十四杯文武散，歡呼拜舞頌新君。

筵宴已畢。眾官都到駕前謝恩。高祖袍袖一展，群臣出朝各歸。但只見：

長空萬里淡斜輝，暝色寒煙四壁迷。